

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2021թ.

N-----Ա

ՈՐՈՇՈՒՄ

**ՎԻԼԵՆ ԳԱԼՍՏՅԱՆԻ ԵՎ ՆԱԴԵԺԱ ԴԱՎԹՅԱՆԻ
ՀԻՇԱՏԱԿՆԵՐԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ
ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

1. Տալ համաձայնություն ՀԽՍՀ ժողովրդական արտիստներ, պարուսույցներ Վիլեն Գալստյանի և Նադեժա Դավթյանի հիշատակները հավերժացնող հուշատախտակը Ա. Թամանյան փողոց հ.3 հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՎԻԼԵՆ ԳԱԼՍՏՅԱՆԻ ԵՎ ՆԱԴԵԺԴԱ ԴԱՎԹՅԱՆԻ ՀԻՇԱՏԱԿՆԵՐԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

ՀԻՍՇ ժողովրդական արտիստ Վիլեն Գալստյանը ծնվել է 1941 թվականի փետրվարի 12-ին, Երևանում:

1959 թվականին ավարտել է Երևանի պարարվեստի ուսումնարանը:

1959-1961 թվականներին եղել է Թբիլիսիի Ջ. Փալիաշվիլու անվան օպերայի և բալետի թատրոնի արտիստ, 1961-1972 թվականներին՝ Երևանի Ա. Սպենդիարյանի անվան օպերայի և բալետի ազգային ակադեմիական թատրոնի արտիստ, 1972-1975 և 1977-1979 թվականներին՝ բալետային խմբի գեղարվեստական ղեկավար, 1979-1983 թվականներին՝ գլխավոր բալետմայստեր:

1987-1988 թվականներին եղել է Մոնտեվիդեոյի «Տեստրու Մոլիս»-ի գլխավոր բալետմայստերը:

1999 թվականից դասավանդել է Երևանի թատրոնի և կինոյի պետական ինստիտուտում, 1999-2000 թվականներին՝ Սեուլի բալետի համալսարանում: 2004 թվականից եղել է Երևանի պարարվեստի պետական ուսումնարանի տնօրենը, 2014 թվականից՝ Երևանի Ալեքսանդր Սպենդիարյանի անվան օպերայի և բալետի ազգային ակադեմիական թատրոնի գլխավոր բալետմայստերը:

Նկարահանվել է ավելի քան 60 կինոնկարներում («Նռան գույնը», «Հայկական որմնանկարներ» և այլն):

Արժանացել է ՀԻՍՇ վաստակավոր արտիստի (1967), պրոֆեսորի (2000) կոչումներին: Պարգևատրվել է Մովսես Խորենացու մեդալով (2001) և «Սուրբ Մեսրոպ Մաշտոց» շքանշանով (2011):

Վիլեն Գալստյանը մահացել է 2021 թվականի հունիսի 4-ին:

ՀԻՍՇ վաստակավոր արտիստ Նադեժդա Դավթյանը ծնվել է 1951 թվականի նոյեմբերի 8-ին, Մոսկվայում:

1968 թվականին ավարտել է Երևանի պարարվեստի ուսումնարանը: 1968 թվականից աշխատել է Երևանի Ալեքսանդր Սպենդիարյանի անվան օպերայի և բալետի ազգային ակադեմիական թատրոնում՝ նախ որպես բալետի արտիստ, 1989 թվականից՝ փորձավար: 1987-1989 թվականներին աշխատել է Մոնտեվիդեոյի պետական բալետում,

եղել է մենապարուհի և փորձավար: 1998-1999 թվականներին դասավանդել է Սեուլի արվեստի պետական համալսարանում և ստացել համալսարանի պրոֆեսորի կոչում:

Հանդես է եկել բազմաթիվ բալետային ներկայացումներում:

Արժանացել է ՀԽՍՀ վաստակավոր արտիստի կոչմանը (1978): Պարզևատրվել է Երևանի քաղաքապետի (2014) և ՀՀ մշակույթի նախարարության (2016) ոսկե մեդալներով:

Նադեժդա Դավթյանը եղել է ՀԽՍՀ վաստակավոր արտիստ Վիլեն Գալստյանի կինը: Մահացել է 2019 թվականին:

ՀԽՍՀ վաստակավոր արտիստներ, պարուսույցներ Վիլեն Գալստյանի և Նադեժդա Դավթյանի հիշատակները հավերժացնող միասնական հուշատախտակը Ա. Թամանյան փողոց հ.3 հասցեում փակցնելու վերաբերյալ միջնորդություն է ներկայացվել «Ալեքսանդր Սպենդիարյանի անվան օպերայի և բալետի ազգային ակադեմիական թատրոն» ՊՈԱԿ-ի տնօրենի ժամանակավոր պաշտոնակատար Կարեն Դուրգարյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ

«ՎԻԼԵՆ ԳԱԼՍՏՅԱՆԻ ԵՎ ՆԱԴԵԺԴԱ ԴԱՎԹՅԱՆԻ ՀԻՇԱՏԱԿՆԵՐԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՍ ԲԱՑԱԿԱՑՈՒԹՅԱՆ ՄԱՍԻՆ

«Վիլեն Գալստյանի և Նադեժդա Դավթյանի հիշատակները հավերժացնող հուշատախտակի տեղադրման մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

«ՎԻԼԵՆ ԳԱԼՍՏՅԱՆԻ ԵՎ ՆԱԴԵԺԴԱ ԴԱՎԹՅԱՆԻ ՀԻՇԱՏԱԿՆԵՐԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Վիլեն Գալստյանի և Նադեժդա Դավթյանի հիշատակները հավերժացնող հուշատախտակի տեղադրման մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ